



## 香菇頭

自細漢，我就有一个外號號做「香菇頭」，這恰我頭毛的造型有關係。因為我烏黝黝的頭毛對目眉面頂到後擴攏鉸甲齊齊齊，就親像是一塊碗公倒匱佇我的頭殼頂，拄好佇我彼對嬌嬌的耳仔頂懸。耳仔後的頭毛閣用頭毛攏仔攏甲短短，敢若拄予割草機割過的草埔，猶閣有留一片青翠。

拄開始，是阿母感覺囡仔人鉸按呢真古錐，久來，這煞成做我的招牌造型，香菇頭的外號就開始共我綴牢牢囉！

欲維持這個造型真無簡單，因為個外月就愛去頭毛店予設計師修剪一擺，若無是會規个走精去。阿爸攏講開佇我這粒頭的錢實在濟甲算袂清，平平是查埔的，伊就毋免遮爾仔麻煩。我聽了一直幌頭，今禿頭是欲鉸啥物造型啦？

遮爾有特色的頭毛型袂輸是我的 khǎng-páng 咧，行到佗位逐家都知影我這個香菇頭。欲去巷仔尾的麵擔仔食麵，我猶未行倚去，頭家娘就隨喝講：「香菇頭，今仔日嘛是食焦麵摻鹵卵諾？」

「規攏好好——無錯。」我大聲應，有影是免出喙就有通好點菜。

去到圖書館借冊，服務台的阿姨講：「香菇頭，這本冊你毋是借過三擺矣？」阿娘喂，參這都記甲遮爾清楚！猶閣有，一擺放學了後，我要甲袂記得共冊攞仔囡佇佗位，驚予阿母揀，我佇外口賴賴趕毋敢轉去。等到天欲暗矣，姑不而將只好皮繃較短咧，一路上想幾若套共阿母會失禮的台詞。想袂到一下轉到厝，竟然看著我的冊攞仔就囡佇食飯桌頂懸。阿母講是一个穿內裨仔、禿額的阿伯送轉來的，伊干焦共人問講：「有人知影一个鉸香菇頭的囡仔踮佇佗位無？」人就隨共報甲到。好得佳哉，我無做歹代誌，若無連鞭就傳到厝邊頭尾遮來囉！

香菇頭這個 khǎng-páng 一直陪伴我到國小畢業，彼段日子是我人生上無煩無惱、上快樂的時陣，得著真濟人對我的疼痛恰照顧，實在是幸福無地比。這馬，我已經大漢矣，但是彼種溫暖的記持猶原佇我的心肝內，提醒我愛共這份愛傳落去。

作者：曾菁怡

### ☆詞彙學習☆

【烏黝黝】oo-sim-sim：烏溜溜。形容頭髮烏黑亮麗有彈性。

【後擴】āu-khok：後腦杓。

【匱】khap：向下覆蓋著。

【走精】tsáu-tsing：失去準度、走樣。

【參】tsham：和、跟。

【揀】tiáp：鞭打處罰、修理。

【賴賴趕】luā-luā-sô：本指蟲類、蛇類動物活潑地爬行，常用以比喻人無所事事地到處閒晃。

【姑不而將】

koo-put-jî-tsióng/koo-put-lî-tsióng：不得已、無可奈何。

【內裨仔】lāi-kah-á：無袖內衣。

【禿額】thuh-hiáh：髮際的前緣部分禿髮。

【疼痛】thiànn-thàng：疼愛、關切憐惜。